

MINISTERIO DA PRESIDENCIA

DISPÓÑO:

6934 REAL DECRETO 349/2003, do 21 de marzo, polo que se modifica o Real decreto 665/1997, do 12 de maio, sobre a protección dos traballadores contra os riscos relacionados coa exposición a axentes canceríxenos durante o traballo, e polo que se amplía o seu ámbito de aplicación ós axentes mutáxenos. («BOE» 82, do 5-4-2003.)

A Directiva 90/394/CEE do Consello, do 28 de xuño de 1990, foi incorporada ó dereito español mediante o Real decreto 665/1997, do 12 de maio, sobre a protección dos traballadores contra os riscos relacionados coa exposición a axentes canceríxenos durante o traballo.

Posteriormente foi aprobada a Directiva 97/42/CE do Consello, do 27 de xuño de 1997, pola que se modifica por primeira vez a Directiva 90/394/CEE.

A transposición desta directiva realizouse mediante o Real decreto 1124/2000, do 16 de xuño, polo que se modifica o Real decreto 665/1997, do 12 de maio, sobre a protección dos traballadores contra os riscos relacionados coa exposición a axentes canceríxenos durante o traballo.

Por último, foi aprobada a Directiva 1999/38/CE do Consello, do 29 de abril de 1999, pola que se modifica por segunda vez a Directiva 90/394/CEE, relativa á protección dos traballadores contra os riscos relacionados coa exposición a axentes carcinógenos durante o traballo e pola que se amplía o seu ámbito de aplicación ós mutáxenos.

Mediante este real decreto procédese á incorporación ó dereito español do contido da Directiva 1999/38/CE, antes mencionada, para o que resulta necesario modificalo Real decreto 665/1997.

No seu artigo único preséntanse as modificacións que se introducen no Real decreto 665/1997. A maior parte destas modificacións derivan da ampliación do ámbito de aplicación do Real decreto 665/1997 ós axentes mutáxenos, o que obriga a realiza-los axustes de redacción necesarios. Outras novidades son a introducción no anexo I, lista de substancias, preparados e procedementos, dun novo epígrafe referido ós traballos que supoñan exposición ó po de madeiras duras, e a introducción no anexo III, cadro cos valores límite de exposición profesional, do cloruro de vinilo monómero e do po de madeiras duras.

Por último, o real decreto derroga os artigos 138 e 139 da Ordenanza Xeral de Seguridade e Hixiene no Traballo, aprobada pola Orde do 9 de marzo de 1971, no relativo ós riscos relacionados coa exposición a axentes mutáxenos durante o traballo, e a Orde do 9 de abril de 1986, pola que se aproba o Regulamento para a prevención de riscos e protección da saúde pola presenza de cloruro de vinilo monómero no ambiente de traballo.

Este real decreto foi consultado ás organizacións empresariais e sindicais máis representativas e sometido a informe da Comisión Nacional de Seguridade e Saúde no Traballo.

Na súa virtude, de conformidade co artigo 6 da Lei 31/1995, do 8 de novembro, de prevención de riscos laborais, por proposta dos ministros de Traballo e Asuntos Sociais, e de Sanidade e Consumo, de acordo co Consello de Estado e logo de deliberación do Consello de Ministros na súa reunión do día 21 de marzo de 2003,

Artigo único. *Modificación do Real decreto 665/1997, do 12 de maio, sobre a protección dos traballadores contra os riscos relacionados coa exposición a axentes canceríxenos durante o traballo.*

O Real decreto 665/1997, do 12 de maio, sobre a protección dos traballadores contra os riscos relacionados coa exposición a axentes canceríxenos durante o traballo, queda modificado da seguinte forma:

Un. O punto 2 do artigo 1 queda redactado da seguinte maneira:

«2. Mediante este real decreto establécense as disposicións mínimas aplicables ás actividades nas que os traballadores estean ou poidan estar expostos a axentes canceríxenos ou mutáxenos como consecuencia do seu traballo, sen prexuízo daquelas disposicións específicas contidas na normativa vixente relativa á protección sanitaria contra as radiacións ionizantes.

En canto á protección dos traballadores fronte ós riscos derivados de exposicións ó amianto, regulada pola súa normativa específica, serán de aplicación as disposicións deste real decreto cando estas sexan máis favorables para a seguridade e saúde dos traballadores.»

Dous. O artigo 2 queda redactado da seguinte maneira:

«Artigo 2. *Definicións.*

1. Para efectos deste real decreto, entenderase por axente canceríxeno ou mutáxeno:

a) Unha substancia que cumpra os criterios para a súa clasificación como canceríxeno de 1.^a ou 2.^a categoría, ou mutáxeno de 1.^a ou 2.^a categoría, establecidos na normativa vixente, relativa a notificación de substancias novas e clasificación, envasado e etiquetaxe de substancias perigosas.

b) Un preparado que conteña algunha das substancias mencionadas na letra anterior, que cumpra os criterios para a súa clasificación como canceríxeno ou mutáxeno, establecidos na normativa vixente sobre clasificación, envasado e etiquetaxe de preparados perigosos.

2. Tamén se entenderá como axente canceríxeno unha substancia, preparado ou procedemento dos mencionados no anexo I deste real decreto, así como unha substancia ou preparado que se produza durante un dos procedementos mencionados no dito anexo.

3. Entenderase por “valor límite”, salvo que se especifique o contrario, o límite da media ponderada no tempo da concentración dun axente canceríxeno ou mutáxeno no aire dentro da zona en que respira o traballador, en relación cun período de referencia específico, tal como se establece no anexo III deste real decreto.»

Tres. No punto 1 do artigo 1; nos puntos 1 e 3 do artigo 3; no artigo 4, incluído o seu título; no punto 1, e nas letras b), d), j) e l) do punto 5 do artigo 5; no punto 1 do artigo 6; no primeiro parágrafo e na letra c) do punto 1 e no punto 4 do artigo 8; nas letras b), c) e f) do artigo 10; no punto 3 do artigo 11; nas disposicións derradeira primeira e derradeira segunda e no punto 1 do anexo II, a palabra «canceríxenos» substituirase por «canceríxenos ou mutáxenos».

Catro. Engádeselle un novo parágrafo ó punto 4 do artigo 5 coa seguinte redacción:

«En todo caso, a non superación do valor límite non eximirá do cumprimento do disposto no punto anterior.»

Cinco. No punto 2 e na letra a) do punto 5 do artigo 5; na letra b) do punto 1 do artigo 8 e no punto 2 do artigo 10, a palabra «canceríxeno» substituirase por «canceríxeno ou mutáxeno».

Seis. No anexo I, lista de substancias, preparados e procedementos, inclúese un novo punto coa seguinte redacción:

«5. Traballos que supoñan exposición a po de madeiras duras.»

Sete. Engádeselle un novo parágrafo á disposición derogatoria única coa seguinte redacción:

«Así mesmo, quedan derogados os artigos 138 e 139 da Ordenanza Xeral de Seguridade e Hixiene no Traballo, aprobada pola Orde do 9 de marzo de 1971, no relativo ós riscos relacionados coa exposición a axentes mutáxenos durante o traballo, e a Orde do 9 de abril de 1986 pola que se aproba o Regulamento para a prevención de riscos e protección da saúde pola presenza de cloruro de vinilo monómero no ambiente de traballo.»

Oito. Engádeselle un novo parágrafo á disposición derradeira primeira coa seguinte redacción:

«En particular, a dita guía incluírá unha listaxe de madeiras duras ás que se refire o anexo III.»

Nove. O cadro que figura no anexo III, valores límite de exposición profesional, substitúese polo seguinte:

Nome do axente	Einecs (1)	CAS (2)	Valores límite		Observacións	Medidas transitorias
			mg/m ³ (3)	ppm (4)		
Benceno	200-753-7	71-43-2	3,25 (5)	1 (5)	Pel (6)	Valor límite: 3 ppm (=9,75 mg/m ³) aplicable ata o 27 de xuño de 2003
Cloruro de vinilo monómero	200-831	75-01-4	7,77 (5)	3 (5)	—	—
Po de madeiras duras	—	—	5,00 (5) (7)	—	—	—

(1) Einecs: European Inventory of Existing Chemical Substances (Catálogo europeo de substancias químicas comercializadas).

(2) CAS: Chemical Abstract Service Number.

(3) mg/m³: miligramos por metro cúbico de aire a 20° C e 101,3 KPa (760 mm de mercurio).

(4) ppm: partes por millón en volume de aire (ml/m³).

(5) Medido ou calculado en relación cun período de referencia de oito horas.

(6) Posible contribución importante á carga corporal total por exposición cutánea.

(7) Fracción inhalable; se os pos de madeiras duras se mesturan con outros pos, o valor límite aplicarase a tódolos pos presentes na mestura.

Disposición derradeira única. *Entrada en vigor.*

Este real decreto entrará en vigor o día 29 de abril de 2003.

Dado en Madrid, o 21 de marzo de 2003.

JUAN CARLOS R.

O vicepresidente primeiro do Goberno e ministro da Presidencia,
MARIANO RAJOY BREY

MINISTERIO DE TRABAJO E ASUNTOS SOCIAIS

7073 *REAL DECRETO 286/2003, do 7 de marzo, polo que se establece a duración dos prazos para a resolución dos procedementos administrativos para o recoñecemento de prestacións en materia de Seguridade Social.* («BOE» 84, do 8-4-2003.)

O punto 2 do artigo 42 da Lei 30/1992, do 26 de novembro, de réxime xurídico das administracións públicas e do procedemento administrativo común, na redacción dada pola Lei 4/1999, do 13 de xaneiro, determina que o prazo máximo no que debe ser notificada pola Administración a resolución expresa, será o fixado pola norma reguladora do correspondente procedemento, engadíndose, no punto seguinte deste mesmo artigo, que cando as normas reguladoras dos procedementos non fixen o prazo máximo, este será de tres meses.

Ata o momento presente, e malia o tempo transcorrido, coa particularidade dalgunhas excepcións como as que derivan do contido do Real decreto 1300/1995, do 21 de xuño, polo que se desenvolve, en materia de incapacitados laborais do sistema da Seguridade Social, a Lei 42/1994, do 30 de decembro, de medidas fiscais, administrativas e da orde social, ou, máis recentemente, das previsións establecidas no Real decreto 1251/2001, do 16 de novembro, polo que se regulan as prestacións económicas do sistema da Seguridade Social por maternidade e risco durante o embarazo, non se procedeu á determinación regulamentaria da duración dos prazos de resolución dos procedementos para o recoñecemento de prestacións en materia de Seguridade Social.

A través deste real decreto preténdese resolve-lo dito baleiro mediante a delimitación dos prazos máximos en que se deberán dictar e notificar as resolucións expresas no ámbito das prestacións da Seguridade Social, garantindo dese xeito que non en tódolos casos sexa preciso considerar aplicable o prazo máximo de tres meses previsto legalmente con carácter supletorio.

Na súa virtude, por proposta do ministro de Traballo e Asuntos Sociais, con aprobación do ministro de Administracións Públicas, de acordo co Consello de Estado e logo de deliberación do Consello de Ministros na súa reunión do día 7 de marzo de 2003,

DISPÓÑO:

Artigo único. *Prazos para a resolución e notificación nos procedementos administrativos.*

De acordo co previsto no punto 2 do artigo 42 da Lei 30/1992, do 26 de novembro, de réxime xurídico das administracións públicas e do procedemento admi-